

博古圖


雜
13
14册内

一四七

202
● 1
4



安政二改



重修宜和博古圖錄卷第九

總說

卣一
二十五器

商

持刀祖乙卣
銘一十四字

執戈父癸卣
銘六字

言卣
銘六字

田卣
銘二字

世母辛卣 銘五字

卦象卣 銘二字

祖辛卣 銘七字

立戈卣 銘作立戈形

兕卣 銘二字

執爵父丁卣 銘三字

寶卣一 銘四字

寶卣二 銘八字

瞿祖丁卣 銘一十二字

兄癸卣 銘三十字

冊卣 銘二字

總說

卣之爲器中尊也夏商之世總謂之彝至周則鬱鬯之尊獨謂之卣蓋周官尊彝皆有司所以辨其用與其實所謂六彝者雞鳥犀黃雌虎也六尊者獻象著壺泰山也而禘祭則合諸神而祭之者也故用五齊三酒通鬱鬯各二尊而尊之數合十有八禘祭則禘祖之所自出者也故用四齊三酒闕二尊而尊之

數合十有六是則通於鬱鬯二尊者其所以
爲卣也何以言之成王寧周公之功而錫之
以秬鬯二卣平王命文侯之德而錫之以秬
鬯一卣皆實以鬱鬯知其爲卣明矣蓋秬者
取其一稔二米和氣所生鬯則取芬香條達
而和暢發於外卣之所以爲中者唯其備天
地中和之氣非有事於形器之末而已凡所
以錫有功賞有德是亦使其強不過中怠不

鞭後不失夫至中之道故爾然彝也尊也卣
也皆盛酒之器用有所宜則名有所不同賈
公彥以謂上尊曰彝中尊曰卣下尊曰壺爾
雅亦曰卣中尊也故取其中中也者天下之
大本以其德足以成天地而配之者也故卣
所以實之鬱鬯者義在茲歟

商持刀祖乙卣



商持刀祖乙卣
卣，商之卣也。其銘曰：「祖乙受天降之寶，曰卣。其銘曰：『受天降之寶，曰卣。』」

蓋



孫持作祖乙
寶尊彝



器



音釋同前

右通蓋高一尺二寸四分深七寸五分口徑
長四寸八分闊三寸六分腹徑長八寸六分
闊七寸二分容二升九合共重九斤十有二
兩兩耳有提梁蓋與器銘共十四字曰祖乙
者河亶甲之子也孫象形而手執刀蓋孫又
疑其爲子字子蓋商姓也先王之事親於藉
則必秉耒於牲則必執系於羞齊則執鸞刀
於入舞則執干戚几於祭饗未嘗不竭力從

事以職其勞則卣之持刀不亦宜乎禮記云
祖而割烹義取於此觀其字畫奇古形制瓌
異可以爲諸卣之冠

商執戈父癸卣



蓋



孫
形 挑
戈

父
癸



博古圖

器



音釋同前

右通蓋高一尺一寸六分深七寸五分口徑
長四寸四分闊三寸二分腹徑長七寸三分
闊五寸六分容六升三合共重十有五斤六
兩兩耳有提梁蓋與器銘共六字父癸者商
天乙父主癸也上作人形手執一戈按諸銘
款多爲戈狀或立之或橫之至此乃執焉蓋
戈所以戒其過苟念於須臾而忽於持久謹
於憂勤而失於懈怠則戈之戒將忘矣非特

戈也蓋有所謂執鸞刀有所謂執一金敦黍
或曰執玉或曰執爵皆因其事而有執焉觀
其器悉以鳳鳥爲飾而鳳之爲物因時而隱
顯覽德輝而下者也器以藏禮而取飾於是
非禮文之盛曷以稱此昔周官掌六彝有以
鳥彝爲名者鄭玄所謂刻而畫之爲鳳皇之
形其法蓋取於此然後世但知歸美於周而
不知商實有以肇之也

商言曰



器



音釋同前

蓋



內○官



右通蓋高九寸八分深六寸二分口徑長四寸闊三寸三分腹徑長七寸闊六寸三分容四升二合共重七斤十有一兩兩耳有提梁蓋與器銘共六字其篆畫不少異惟中一字與銘意皆未可詳此器制作純厚而不雕巧銘腹簡略規模與商夔龍卣相類定一時物也

商田卣



器



蓋



長
圓
蓋

音釋同前

田



右通蓋高八寸深四寸九分口徑長四寸一分闊二寸九分腹徑長七寸闊五寸一分容三升五合共重五斤九兩兩耳蓋與器銘共一字飾以雲雷夔龍之形紋鏤華巧切近人意其銘曰田耳間連環以爲提梁而今乃殘缺不見其完亦可惜也且田者染盛之所自出而卣之爲器中尊也詩書所謂秬鬯者正一稔二米之謂焉銘田者豈非追本而爲言耶

商世母辛卣



器

𠄎

世母辛

蓋

𠄎


母辛



右通蓋高九寸七分深六寸五分口徑長四寸一分闊三寸腹徑長七寸闊四寸三分容五升七合共重八斤六兩兩耳有提梁蓋與器銘共五字器上一字作三又按說文世字從三十故以此爲世字以世爲銘者蓋欲世世傳之子孫不絕而已且三又又意其爲五字從二一而交之象陰陽交午之義天數窮於九地數中於六九六之數爲十五而

天地之數備三又者十五也古之聖人極其數遂定天下之象故以之制器而天地之數寓焉是則制字之妙未易以一理推也且辛爲商號而曰母辛卽商史所謂辛母者是也蓋古人命辭或上或下其變易類多如此

商卦象占



蓋



卦象

器



音釋同前

右通蓋高一尺四分深六寸口徑長二寸八分闊三寸腹徑長五寸七分闊四寸八分容三升六合共重六斤十有四兩兩耳有提梁蓋與器銘共二字作卦象觀古人畫卦奇以象乎陽耦以配乎陰一奇一耦而陰陽之道全一虛一實而消息之理備然易始八卦而文王重之為六十四卦夏曰連山商曰歸藏周曰易是卦也上下爻皆陽有乾之象中二

爻皆陰有坤之象虛其中亦取象於器所謂
黃流在中者義或在焉雖不見於書惟漢楊
雄作大玄八十一首以擬易曰方州部家今
爭首一方三州三部一家與此貞卦象正同
雄於漢最號博聞殆玄之所自而作耶

商祖辛卣





孫執戟祖辛
執木作彝尊
 寶

右高九寸三分深七寸五分口徑長四寸五分闊三寸三分腹徑長八寸闊七寸一分容六升九合重十有三兩兩耳闕蓋有提梁銘七字曰祖辛作彝尊又象人形右執木左執戟按商十四代君曰祖辛蓋祖乙之子沃甲之兄祖丁之父也其象人形而執木執戟者殆是其武舞也木當是朱干戟當是兵舞昔舜之時舞干羽于兩階以格有苗則五帝之

前其武舞亦所不廢武王之樂曰大武而舞如之則三王之後其用以濟時者又所不敢忘武也豈商之時獨不然耶攷商有天下至祖乙而政復興祖辛繼之而善述其事則干以自衛戟以攘敵者於祖辛有之也宜銘是器以旌之又嘗求其用舞之由固有文舞有武舞凡山川之祀社稷之祀四方之祀與其持盈守文之君皆以羽旄之舞而文舞是也以類求矣

商立戈卣



博古圖 卷九






立戈形

右通蓋高九寸二分深六寸二分口徑長四寸五分闊三寸八分腹徑長七寸五分闊六寸容五升三合共重八斤六兩兩耳有提梁銘作立戈形書稱四人綦弁執戈又曰允之戈在東房則戈於五兵爲利器王安石字畫戈從一不得已而用欲一而已以是銘其器蓋亦示戒之義按商有立戈鼎有立戈父甲鼎與此意同是器通體兩面狀饗饗間以雷

紋提梁爲虎首蓋皆示其防閑之理

商兕卣



右通蓋高一尺三寸深六寸四分口徑長三

博古圖

卷九

三五

蓋



器




兕

兕



寸八分闊三寸五分腹徑長七寸闊六寸五分容五升七合共重一十斤十有二兩兩耳有提梁蓋與器銘共二字作兕形語云虎兕出於柙則兕非馴獸有害於人者故昔人用以爲罰爵曰稱彼兕觥是也觥旣曰兕則宜卣亦有兕是器提梁之兩端亦象兕首而通體作饗饗狀豈不有所示其戒耶商尚質於是銘諸器者或以其形此所以與周器異耳

商執爵父丁卣





象執
爵
艾丁

右高八寸四分深七寸七分口徑長三寸七分闊二寸七分腹徑長五寸六分闊三寸五分容三升六合重四斤十有三兩兩耳闕蓋有提梁銘三字上象手執爵形考只之狀口引如流下列三足有爵之象旁畫以手說文謂手也按禮記曰孝子如執玉如奉盈洞洞屬屬然如弗勝如將失之則以手附爵者蓋見於如將失之之意非盡其欽而欽者執

能臻此商之君以丁爲號者六曰父丁則未
詳其何丁也

商寶卣一



商寶卣二

博古圖

卷九



五



作寶尊彝

蓋



作寶尊彝



器



音釋同前

前一器高五寸深四寸五分口徑長三寸八分腹徑長六寸四分容三升四合重三斤十有三兩兩耳闕蓋有提梁銘四字

後一器通蓋高六寸八分深四寸八分口徑長三寸六分闊二寸七分腹徑長六寸八分闊五寸五分容一升九合共重二斤十有二兩兩耳闕提梁蓋與器銘共八字

右二器皆貞也不書作者之名而總謂之尊

彝一無蓋一闕提梁然製作渾厚而飾以牛
形牛之爲物能興民功致民力出作入息而
服畎畷之事先王於器用之間所寓自有理
致周司尊彝春祠夏禴所用獻尊以牛爲飾
其原蓋出於此

商瞿祖丁卣



蓋



瞿
犧牛册
 册祖丁



器



音釋同前

右通蓋高六寸四分深四寸四分口徑長三寸一分闊二寸三分腹徑長四寸八分闊三寸五分容一升五合共重二斤十兩兩耳闕提梁蓋與器銘共十二字曰瞿者質諸經傳無所見而商有瞿父鼎亦作兩目相並正與此卣同寔一時之制曰祖丁者商十四世君祖辛之子也中爲犧形下爲兩冊皆取象於物而書畫未分至周官司尊彝有曰犧尊者

飾以犧牛蓋所因者商之遺意耳畫以兩冊
所以為冊命也亦猶康王命畢公而曰冊畢
制器尚象其義如此

商兄癸卣



益



丁子王錫爵丙
 申象形貝在寒用
 作兄癸彝十九夕
 惟王九祀世昌



器



丁子王錫爵丙申

貝在寒用作癸兄

彝十九夕惟

王九祀世昌象形
鬲字

右通蓋高七寸三分深五寸三分口徑二寸一分腹徑四寸容一升六合共重二斤十有二兩兩耳有提梁蓋與器銘共五十字曰丁子王者按商無諡號皆以天之十日配之三則三代之同稱也兄癸者則兄弟相承之辭故祀其先王或稱祖丁卣之類或稱父若招父丁爵之類或稱兄若此卣之類又曰惟王九祀者爾雅云唐虞曰載夏曰歲商曰祀周

曰年其言祀則知此卣之出於商也其末曰
世昌者斬世世昌盛有如此銘也他器有曰
子子孫孫萬年無疆之類也著以鬲形者古
人於酒器多以此爲飾故尊也爵也皆作此
狀蓋欲如鬲之炊氣上下交通而已

商冊卣



蓋



冊



器



音釋同前

右通蓋高六寸五分深三寸六分口徑長二寸三分闊一寸八分腹徑長四寸四分闊三寸二分容一升共重二斤五兩兩耳有提梁蓋與器銘共二字曰冊且卣所以承君之錫然後享于祖廟之器故必言冊以紀君之命商之辭略故一言而足是器頂中作爵柱以爲舉持之具又以絢紐爲提梁而其足與蓋皆著飛鳳相嚮之狀蓋之旁又作山形間以

蟬紋純緣外則以獸首爲鼻之飾以夔龍左
右環之蓋商器多此類也

重修宣和博古圖錄卷第九

終

重修宣和博古圖錄卷第十

卣二 一十八器

商 一十五器

父丙卣 銘十二字

父巳卣 銘三字

父辛卣 銘八字

執七父丁卣 銘六字

持千父癸卣 銘三字

婦庚卣

銘七字

父舉卣

銘三字

史卣

銘一字

持刀父巳卣

銘一十四字

母乙卣

銘二十二字

冀父辛卣

銘一十四字

祖庚卣

銘三字

夔龍卣一

夔龍卣二

夔龍卣三

周

二一
四卣

淮父卣

銘八十二字


單癸卣

銘五十二字

樂司徒卣

銘二十二字

商父丙卣



博古圖

卷十

三

Blank page with vertical lines for text.

蓋



手執禾
 二矢父丙
 弓孫

大丙自



器




音釋同前

右通蓋高一尺三分深六寸三分口徑長三寸九分闊三寸二分腹徑長七寸八分闊六寸二分容六升三合共重一十一斤十有二兩兩耳有提梁蓋與器銘共一十二字曰父丙禾孫其上又爲弓形并手執二矢飾以弓矢者意其平日之所嗜好而子孫之所以享祖考者當以是求之也然禾字全作禾穗之形亦固有義夫卣所盛者裸也爲之裸者其

秬鬯也秬有一桴二米稟冲氣最盛故昔人
 用以爲鬯而享神亦是其誠之不可虛拘也
 銘未於卣義固有在耳

不濟其土又爲卣所執午桴二天...
 而耳有異樂蓋與器論共一十二字曰...
 二合容六升三合共重一十一斤十...
 式分國三十二分即對員寸十八分...
 無蓋高一尺二分容六升三分口對員三...

商父巳卣





立戈
形 父巳

右高七寸三分深六寸五分口徑長三寸六分闊三寸腹徑長七寸四分闊五寸八分容五升有半重六斤十有二兩兩耳闕蓋有提梁銘三字曰父巳上有立戈形按商之十世君曰雍巳此曰父巳則是其子銘其父之祀器也攷雍巳之子是為小甲是器當小甲之世為之作立戈形亦以嗜好求其神也蓋古之尚象未有不及是者故於是而立戈爵有

立戈虬有立共癸尊有立戈父癸卣蓋與此
 意同也其製作質古真商物也但特亡其蓋
 耳

(Faint bleed-through text from the reverse side of the page)

商父辛卣



商父辛卣

蓋



形 三 矢
貝 父 辛



器



音釋同前


右通蓋高一尺深七寸五分口徑長三寸五分闊二寸六分腹徑長六寸七分闊五寸四分容四升九合共重七斤五兩兩耳有提梁蓋與器銘共八字象三矢之形而以一格立之曰貝父辛按書文侯之命以言平王錫晉文侯也曰用賚爾秬鬯一卣繼之以彤弓一彤矢百盧弓一盧矢百則卣之銘三矢者得不紀君惠耶一生二二生三三三三生萬物則三

者總數耳又詩言菁菁者莪此育材之詩也
 而曰既見君子錫我百朋而釋者謂古者貨
 貝五貝為朋則人君之錫臣下亦有及於貝
 者書言大貝在西房蓋國之所寶也以貝銘
 之貞間是亦象矢之義也父辛則指其人而

已

共重六斤五兩
 全圖二十六分
 全圖二十六分
 全圖二十六分
 全圖二十六分

商執七父丁貞



蓋



手執
匕形
父丁



器



音釋同前

右通蓋高九寸四分深六寸七分口徑長四寸四分闊三寸二分腹徑長七寸七分闊五寸九分容五升九合共重七斤有半兩耳有提梁蓋與器銘共六字曰父丁又作手執匕形於其上祭祀之義以養爲主而匕所以示其養也於禮見之夫雍人掌割烹之事也而曰概鼎匕俎于雍爨則匕所以載鼎實耳又廩人掌米入之藏也而曰概匕與敦于廩爨

則亦以匕黍稷焉詩曰有饌簋簠餐有抹棘匕
 則敦與簋皆盛黍稷器其為用於食明矣然
 則匕於飲食無所不用宜以養為主也卣之
 為器豈非以養為先哉

商持于父癸卣



右高七寸八分深六寸七分口徑長四寸五分闊三寸三分腹徑長七寸六分闊五寸九分闕蓋有提梁容六升三合重八斤四兩銘曰父癸而上爲人形兩手各持干按周官司干掌舞器祭祀舞者既陳則授舞器既舞則受之賓饗亦如之然則祭于廟用于賓設于饗禮莫不皆有干舞焉蓋干武舞也有是功斯有是舞以稱之非是則君子不取然古者



孫
 父癸
 持干

舞有文武若羽舞皇舞文舞也干舞人舞武舞也詩曰左手執籥右手秉翟又曰值其鷺羽皆指文舞而言之禮曰朱干玉戚以舞大武詩曰萬舞有奕皆指武舞而言之於是王者興以武得天下則其廟樂皆有武舞是器商物而卣乃薦秬鬯之器實用於宗廟然其銘曰父癸則明爲子以奉其父者在商之時號報癸者惟成湯之父故今所藏彝器凡

商物銘癸者皆歸之報癸然則用舞於癸廟亦宜以其子之所有而薦之湯以武得天下其所舞者朱干玉戚也故於器以干銘之然其銘象人形兩手各執干而不以玉戚兼之者亦取夫干以自衛不事乎兵之道歟且黃帝堯舜以至三王其所謂文武之樂莫不有之故有樂則舞從焉是以舞文者若黃帝之雲門堯之大成舜之大韶夏之大夏是也舞

武者若湯之大濩武王之大武是也然而舜用大韶之文舞而亦有所謂舞干者方時有苗爲之孽則不可無武備耳要之以德爲主也且頃所藏彝器其銘有持刀父已有立戈父甲又有所謂持戟父已而獨無持干者夫干以自衛有征無戰非若戈戟也書云帝乃誕敷文德舞干羽于兩階則帝者之盛德成矣其在茲歟其在茲歟

王黼曰商持干父癸卣今所傳商器有持戈持刀持戟獨無持干者干以自衛與舞干同義敷文德之器也大抵上古彝器凡持五兵者皆著伐功云

商鞅與自



子孫
婦甲庚丁

右高七寸二分深五寸九分口徑長三寸七分闊三寸腹徑長七寸七分闊五寸九分容五升四合重六斤十有二兩兩耳闕蓋有提梁銘七字其一字泯滅不可攷餘曰子孫婦甲庚丁夫彝器多以子孫銘之以其承祖考之祀者有在於是若乃中饋之職從其夫以相祀事此又婦之於姑舅禮所不廢蓋以人道而事神則宗廟致欽之義婦宜預焉詩言

君婦莫莫爲豆孔庶是也關雎之美后妃采
繁之詠夫人采蘋之語大夫妻莫不皆以供
祭祀爲先耳然古者婦之預祭惟宗廟則從
至於外祀則莫從也故必言子孫婦以別其
宗廟之祀歟曰甲庚丁者祭之日也夫外事
用剛日內事用柔日宗廟之祀當用柔日而
此兼甲庚何哉蓋春秋言辛巳有事于太廟
壬午繹則宗廟正祭必用柔日而至于繹祭
則無害其用剛日也天有十日地有十二辰
日辰未嘗不相配而言如辛巳壬午之類是
矣且此獨言日而不言辰者以言日則辰從
之昔人言簡而意足故其銘如此

商父舉卣





辛父舉

右通蓋高九寸五分深六寸一分口徑長三寸六分闊二寸六分腹徑長七寸九分闊五寸四分容五升二合共重六斤有半兩耳有提梁銘三字曰辛父舉按周有天下立二王後乃封紂子武庚於宋以續商祀武庚被誅又命微子啓代商後俾得用天子禮樂故凡器用服飾一遵商制詩所謂亦白其馬以商尚白而不從周之尚赤也然則宗廟祭祀其

亦遵商明矣自微子至于僖公舉實為八世
則其得用商禮可知是商也曰父舉則
是為僖公舉也

商史卣






史

右高七寸一分深六寸一分口徑長四寸一分闊三寸腹徑長七寸三分闊五寸四分容五升二合重五斤兩耳闕提梁銘一字曰史者史言其官有以史為氏族者因官而受氏焉今有爵銘三字曰史父辛字畫相類則知史名其官是卣狀饗饗而環以連珠文縉典雅真商物也

商持刀父巳卣



蓋



子持刀作父巳
寶尊彝

器




音釋同前

右通蓋高六寸八分深四寸三分口徑長四寸闊三寸一分腹徑長六寸闊四寸九分容二升八合共重三斤十有三兩兩耳有提梁蓋與器銘共一十四字父巳者商君也子字象形而右手持刀按商祖乙自亦作此象蓋欲示孝子親職其勞以明割牲之義詩云執其鸞刀以啓其毛取其血管凡以是也



商母乙卣



蓋



丙寅王錫貝
朋用作母乙彝

器



音釋同前

右通蓋高八寸六分深五寸六分口徑長三寸八分闊三寸腹徑長七寸一分闊四寸二分容三升五合共重五斤一兩兩耳有提梁蓋與器銘共二十二字曰丙寅王錫者以甲子推之商建國始於庚戌歷十七年而有丙寅正在仲壬即位之二年也其曰王錫則王之錫賚功臣之器如周公文侯之卣亦王之所錫也故記禮者以謂賜圭瓚然後爲鬯則

知此器非臣下之所專有又曰作母乙彝者如詩言文母同意攷商周之時立子生商者有娥也故長發之禘及之厥初生民者姜嫄也故雝之禘及之是皆率親之義耳蓋知是卣乃王錫臣工以追享其母氏歟以夫家廟未嘗無合食者也


尚書父辛卣



蓋



冀作父辛
 旅 亞 亞



器



音釋同前

右通蓋高六寸三分深四寸二分口徑長三寸九分闊二寸九分腹徑長五寸五分闊四寸容二升三合共重四斤有半兩耳有提梁蓋與器銘共一十四字冀者國名也昔人受封於此則後世食菜於所封之地復以為氏焉父辛商號也曰旅彝者昔人嘗謂有田一成有衆一旅則旅舉其衆也攷諸款識虬曰旅虬敦曰旅敦匱曰旅匱簋曰旅簋義率如

此其後作亞形者又以象其藏主石室之制
蓋宗廟之器也

商祖庚卣蓋



右高四寸二分長五寸九分闊四寸七分重
二斤六兩銘曰祖庚史且商二十五代之君
曰祖庚實爲武丁氏之子是器銘曰祖庚史
則祖庚時史之卣也蓋臣之享家廟非君錫
彝器則不可專有故以祖庚史銘之蓋之銘
如此則其器亦當有是銘此特失其器耳按
周宰辟父敦蓋與器之銘各七十五字周邢
敦蓋與器之銘各一百七字略無少異獨周



祖庚史

仲駒敦蓋與器銘雖同而器銘則可以順讀
蓋銘則反是以此少異耳異時茲器一出其
器與蓋銘亦必相合焉

商夔龍卣一



商夔龍卣二



博古圖 卷十

三五



商夔龍卣三



博古圖

卷十

三六



前一器通蓋高七寸六分深五寸一分口徑長三寸四分闊二寸七分腹徑長五寸五分闊三寸九分容二升六合共重四斤九兩兩耳有提梁無銘

次一器通蓋高一尺二分深六寸六分口徑長四寸五分闊三寸七分腹徑長六寸五分闊四寸九分容五升一合共重九斤十有五兩兩耳有提梁無銘

後一器高五寸八分深四寸四分口徑長五寸二分闊三寸二分腹徑長七寸二分闊四寸四分容三升四合重四斤六兩兩耳闕蓋闕提梁無銘

右三器俱飾以夔龍前二器有稜若觚後一器形如瓠且闕其蓋與提梁然皆卣也但形制不同商之文物視周猶爲尚質故其設飾取象特簡古耳

周淮父卣




蓋



穆從師淮父戍于
古阜蔑曆錫貝山
鉞穆拜稽首對揚
師淮父休用作文
考日乙寶尊彝
其子孫永福立戈形

立戈形三字將
書三行


器



音釋同前

右通蓋高六寸八分深四寸四分口徑長三寸九分闊二寸九分腹徑長五寸八分闊四寸七分容二升三合共重五斤一兩兩耳有提梁蓋與器銘共八十二字其曰穆從師淮父戍于古者穆與淮父索諸經傳悉無所見戍則如詩言遣戍役之戍謂穆從淮父以戍役于古也按曲禮生日父曰母死曰考曰妣則此日文考者蓋後世追享之器耳夫卣非燕饗之器惟祀宗廟之神則用之其所盛則秬鬯也且君錫臣以秬鬯之裸其始則盛於卣其終則裸於彝所以求神於陰者曰日乙者舉其日之吉也亦猶大夫始鼎曰日巳寶鼎文考尊曰日癸尊彝之類舉日之吉者所以嚴其事也

周單癸卣



蓋



同爵選單景
 癸夙夕饗爾
 宗尊彝其已父
 子豈作父癸旅車
 文考日癸乃方

器



音釋同前

右通蓋高五寸八分深四寸口徑長三寸六分闊二寸七分腹徑長六寸五分闊四寸三分容二升一合共重三斤二兩兩耳闕提梁蓋與器銘共五十八字曰夙夕饗爾宗則是饗禮所用之卣宗者如禮記所言大宗小宗之類非諸侯之傳姓者也是器乃單作父癸卣然先曰饗爾宗則癸於單族蓋是其宗耳初河南岸圮張燾者得十數物而此卣是其

一復有數器雖形制不同皆有單景字疑皆
 一時物如所謂單從彛單從舟單從鼎單從
 盃者是也獨單父乙鼎單字頗異又文皆少
 於癸卣豈詳於此則略於彼其互相備耶

周樂司徒卣





樂大司徒

子象之子

洪作旅卣

其眉壽子子

孫孫永寶用

右高九寸深八寸九分口徑長三寸八分闊
 三寸三分腹徑長七寸五分闊六寸容七升
 八合重五斤有半銘二十有二字周官有天
 地四時之職是為六卿惟大司徒實掌地事
 曰樂大司徒則樂者姓氏也宋戴公四世之
 孫有曰樂莒而後世子孫因以為氏又曰司
 徒子象之子洪作旅卣蓋言司徒之孫作是
 器也按王安石字說眾曰旅則知旅卣者非

一器也蓋旅進旅退非一之狀猶編鐘編磬
之類是矣是器比它占而復有鼻且著地無
足當是旅占之別耳

重修宣和博古圖錄卷第十

終

